

诗
历

[illegible]

作清涼
滿溪
玉照

江邊

法却

加

春
食
御
厨

诗 历

北
京
出
版
社

·
北
京
·

(京)新登字 200 号

诗
历

北京出版社出版

(北京北三环中路六号)

邮编 100011

北京出版社总发行

新华书店北京发行所经销

通县电子外文印刷厂印刷

大三十二开 八印张

一九九三年六月第一版第一次印刷

定价：陆元捌角

印数：1—2000

ISBN 7—200—01936—4/K · 196

出版说明

我们伟大的祖国，是一个诗的国度。自古以来，杰出的诗人成千上万，卓越的诗篇不可胜数，各个时期各类诗体各种内容的诗集也颇难计列。

如此丰厚的文化积淀，使我们的儿童、少年从小就浸润在诗的滋养中，也使我们的青年和老年终生得以诗为良师益友。

民国间武进人伍受真（字稼青）编选的这本《诗历》，在构思上可谓匠心独运：从正月初一到腊月三十，一年三百六十六天，他逐日遴选古今诗人题在这一日的作品，计得十二卷，又录入题在四时节令的诗作一卷，凡十三卷，积八百余首，其作者自汉魏至清末盈二百家。伍氏致力此事有年，爬罗剔抉，其劬劬辛劳良可感佩！

珍重《诗历》的上述特点，现将民国年间「等待阁」的原排本影印出版。今日读者闲暇浏览吟咏，每有妙趣发见其中；若循日或循节作检索，则关于该日或该节的佳作得之如探囊取物。

我们期望，在我们这个讲究「诗教」、崇尚「诗礼传家」的国度中，本书的出版会受到欢迎。

北京出版社

一九九三年一月

序

古人紀時之詩莫先於幽風見於文者則有荆楚歲時記及授時通考非特愛惜歲華蓋重農事也今者舊曆已廢詩學亦漸寢微族曾孫受真獨於頻年教讀之暇搜集古人篇什之關於歲時者自元日以迄除夕並四時佳節逐日不虛共得詩八百首始於漢魏六朝以至清代蒐羅宏博抉擇精詳其用力之勤匪伊朝夕雖非鴻鉅之作要亦留心文獻者所心許也夫世積於歲歲積於日百年駒隙不過日復一日耳古人寸陰是惜良非無因况乃形之歌詠於是日而有是詩可知是日是詩非偶然相值必其間大有可紀者在吾儕後人身歷是日雖不必有詩不能無事用以潄發靈明滌盪塵垢見仁見智存乎其人即謂之有益政教亦無不可用是促付剞劂以餉同好並弁其端如此

中華民國十九年二月

伍璜渭英甫敘

例言

一 宋蒲積中有古今歲時雜詠若干卷其末卷專錄詩題之標有月日者但每月僅得數首本編所輯自元旦以迄除夕逐日完備可以補其不足

一 本編共十三卷計逐月一卷二十四節氣及寒食社日等一卷末附作者

姓名字號籍貫

依詩篇先後爲序

列作簡表極易檢閱

一 詩集古今刊本不同字句及集名等亦每有互異處本編所錄要皆以年代較遠之善本爲準則非敢妄加竄改也

一 本編所採詩體不分近古詞意務取清新大抵以紀遊之作爲多

一 本編之搜輯始于己未成于己巳全集材料得之於各大圖書館者十之七八借抄私人藏書者十之二三惟是古今詩集充棟汗牛本編所選僅二百五十家詩八百首遺珠之謂在所難免閱者諒之

一 本編初次付印雖詳加校勘仍不免有魯魚亥豕之訛倘蒙 海內大雅

不吝指正尤爲感幸

詩曆目錄

卷一 正月 詩九十四首

卷二 二月 詩五十七首

卷三 三月 詩七十五首

卷四 四月 詩五十三首

卷五 五月 詩五十六首

卷六 六月 詩六十二首

卷七 七月 詩六十五首

卷八 八月 詩五十四首

卷九 九月 詩七十五首

卷十 十月 詩五十一首

卷十一 十一月 詩五十九首

詩

曆

目錄

一等持閣

173

159

137

121

103

85

71

55

37

23

1

卷十二 十二月 詩五十三首

卷十三 節令 詩七十三首

附錄 作者姓氏

225 205 191

詩曆卷一

武進伍受真稼青編

幽州元日

張說

今歲元日樂不謝去年春知向來心道誰爲昨夜人

田家元日

孟浩然

昨夜斗回北今朝歲起東我年已強仕無祿尙憂一作惟尚農野老就耕父荷鋤隨牧

童田家占氣候共說此年豐

元日示宗武

杜甫

汝啼吾手戰吾笑汝身長處處逢正月迢迢滯遠方飄零還柏酒一作寒衰病只藜

床訓諭青衿子名慚白首郎賦詩猶落筆獻壽更稱觴不見江東弟高歌淚數

行

元日寄諸弟兼呈崔都水

韋應物

一從守茲郡兩鬢生素髮新正加我年故歲去超忽淮濱異時候了似仲秋月

川谷風景溫城池草木發高齋屬多暇悵悵臨芳物日月昧還期念君何時歇

歲日口占

顧况

不覺老將春共至更悲攜手幾人全還丹寂寞羞明鏡手把屠蘇讓少年

歲日

元稹

一日今年始一年前事空淒涼百年事應與一年同

元日感懷

劉禹錫

振蛰春潛至湘南人未歸身加一日長心覺去年非燎火委虛燼兒童街綵衣
異鄉无舊識車馬到門稀

元日有題

崔道融

十載元正酒相歡意轉深自量麋鹿分只合在山林

正月二日與廣淵同出南薰門分趨齋宮塗中成

司馬光

並轡出都門葱龍日欲昕野寒餘宿雪樹暗濕春雲稍望郊原近先憂馬首分

一朝猶戀戀可復久離羣

元旦後一日劉德儀送酒

沈周

使者雙餅至蓬門向晚開停肩慰泥滑解羈省香來染指憐佳味挑鐙引細杯

明朝攜小榼江上候新梅

新正二日發宜春次王陽明韻

杭淮

宜陽山前莎草痕春泥釋釋水流渾客行遠道無停轂人拜新年不出村三日
暄蒸北風作清朝陰霾江氣昏野館蕭條亦足賴梅花爲我招吟魂

正月三日歸溪上有作簡院內諸公

杜甫

野外堂依竹籬邊水向城蟻浮仍臘味鷗泛已春聲藥許鄰人斷書從稚子擎
白頭趨幕府深覺負平生

正三立春

謝翱

身中隔歲話偏似信誰從山帶去年雪春來何處峯移軍增野竈落磧減機春

明日金華洞牧羊尋故蹤

壬子正月四日後圃行散

楊萬里

勃姑偶下小梅枝要看渠儂褐錦衣柱後藏身教不見却因不見轉驚飛

初春四日休沐同荔裳方山西樵往西山道中作

王士禛

遙山鴈齒列遠水魚鱗波朝朝國西門馬上呈嵯峨卻掃閉簾閣幽夢紛陂陀
坐羨雲間禽歸飛向巖阿上春寡人事勝侶時來過望山馬駐坂投林鳥驚羅
行行近磊何清暉一何多豈識絕塞山娟靜如媼娥禽夏如可期遑復知其他

遊斜川

陶潛

辛丑歲正月五口天氣澄和風物閑美與二三鄰曲同游斜川臨長流

望層

一作

城魴鯉躍鱗于將夕水鷗乘波以翻飛彼南阜者名實舊矣不

復乃爲嗟嘆若夫層城傍無依接獨秀中阜遙望靈山有愛嘉名欣對
不足率爾賦詩悲日月之遂往悼吾年之不留各疏年紀鄉里以紀其

時日

開歲條五日吾生行歸休念之動中懷及辰爲茲遊氣和天惟澄班坐依遠流
弱湍馳文魴閒谷矯鳴鷗迴澤散游目緬然睇層邱雖微九重秀顧瞻無匹儔
提壺接賓侶引滿更獻酬未知從今去當復如此不中觴縱遙情忘彼千載憂
且極今朝樂明日非所求

和遊斜川

蘇軾

正月五日與兒子過出遊作

謫居潛無事何異老且休雖過靖節年未失斜川遊春江淥未波人臥船自流
我本無所適汎汎隨鳴鷗中流遇汰洄捨身步層邱有口可與飲何必逢我儔
過子詩似翁我唱兒輒酬未知陶彭澤頗有此樂不問點爾何如不與聖同憂
問翁何所笑不爲由與求

正月五日出遊

陸游

久作閒人不慣愁
新春天氣更清柔
未爲遯海千年別
且繼斜川五日遊
細柳拂頭穿野徑
落梅黏袖上漁舟
此身定去神仙近
倚遍江南賣酒樓

正月六日雪霽

曾 鞏

雪消山水見精神
滿目東風送早春
明日杏園應爛漫
便須期約看花人

正月六日

張 耒

楊柳梢頭臘雪消
東風猶著晚寒驕
新年花柳傳芳信
去臘星霜變斗杓
來共春煙情冉冉
洒隨疏雨淚蕭蕭
蛾眉一閉年華改
縱有遺魂可得招

正月六日雲重有雪意獨酌

陸 游

遍遊數澤一漁舫
盡歷風霜只纈袍
天爲念貧偏與健
人因見懶誤稱高
地連海澨濤聲近
雲冒山椒雪意豪
偶得名嶗當痛飲
涼州那得直葡萄

人日思歸

薛道衡

入春纔七日離家已二年
人歸落雁後思發在花前

人日登南陽驛門亭子懷漢川諸友

孟浩然

朝來登陟處不似豔陽時異縣殊風物羈懷多所思剪花驚歲早看柳訝春遲

未有南飛雁裁書

一作元

欲寄誰

人日寄杜二

高適

人日題詩寄草堂遙憐故人思故鄉柳條弄色不忍見梅花滿枝空斷腸
身在遠藩無所預心懷百憂復千慮今年人日空相憶明年此日知何處
一臥東山三十春豈知書劍老風塵龍鍾還忝二千石媿爾東西南北人

人日兩篇

杜甫

元日到人日未有不陰時冰雪鶯難至春寒花較遲雲隨白水落風振紫山悲
蓬鬢稀疏久無勞比素絲

此日此時人共得一談一笑俗相看尊前柏葉休隨酒勝裏金花巧耐寒佩劍
衝星聊暫拔匣琴流水自須彈早春重引江湖興直道無憂行路難

人日立春 盧仝

春度春歸無限春今朝方始覺成人從今剋已應猶及顏與梅花俱自新

人日卽事 李商隱

文王喻履今朝是子晉吹笙此日同舜格有苗旬太遠周稱流火月難窮鏤金作勝傳荆俗剪綵爲人起晉風獨想道衡詩思苦離家恨得二年中

正月八日燃燈詩應令 蘇軾

藕樹交無極花雲衣數重纖竹能爲象縛荻巧成龍落灰然蕊盛垂油濕畫峯
天宮倘若見燈王願可逢

正月八日報王子高飲 蘇軾

屋雪外傳本號風苦戰貧紙窗迎日稍知春正如薔薇林中坐更對芙蓉城裏人

昨想玉堂空冷徹誰分銀榼送清醇海山知有東南角正看歸鴻作小顰

穀日 李夢陽